

UGOVOR O JAVNOJ NABAVCI

Ugovorne strane:

1. **Kantonalno javno komunalno preduzeće „Vodovod i Kanalizacija“ d.o.o. Sarajevo**, ul. Jaroslava Černija br. 8, koga zastupa direktor Nezir Hadžić, Magistar uprave (u daljem tekstu: Kupac)
2. **„ALF-OM“ d.o.o. Banja Luka, Poslovna Jedinica I. Sarajevo**, ul.V.R.Putnika br. 38, I.Sarajevo, koga zastupa direktor Bogdo Suvajac (u daljem tekstu: Prodavac).

Član 1.

Predmet ovog ugovora je nabavka roba: „**Toneri i ketridži**“ a sve prema tenderskoj dokumentaciji br. KZ 18/17 i usvojenoj ponudi broj: 0251 od 26.04.2017. godine, koja je sastavni dio ovog ugovora.

Član 2.

Ukupna vrijednost nabavke roba iz člana 1. ovog ugovora bez uključenog PDV-a iznosi: **24.157,00 KM** (slovima: dvadesetčetirihiljadestotinupedesetsedam i 00/100 KM) .

Ukupna vrijednost nabavke roba iz člana 1. ovog ugovora sa uključenim PDV-om iznosi: **28.263,69 KM** (slovima: dvadesetosamhiljadstotinešezdesetri i 69/100 KM) .

U cijenu su uključene carine, takse, osiguranje kao i druge dadžbine date na paritetu FCO skladište Ugovornog organa u Sarajevu. Ugovorena cijena uključuje pored navedenog i pakovanje, transport i troškove osiguranja.

Ugovorena cijena je fiksna i ne podliježe bilo kojim izmjenama.

Član 3.

Prodavac se obavezuje da robu koja je predmet ovog ugovora isporuči prema uslovima iz tenderske dokumentacije i prihvaćene ponude.

Član 4.

Prodavac će predmetnu robu isporučiti u skladište Kupca u Sarajevu i to sukcesivno u toku 12 mjeseci a u roku do 3 dana od dana prijema narudžbenice.

Prilikom isporuke robe u otpremnici, pored iskazane količine, potrebno je obavezno navesti i usvojene jedinične cijene iz ponude Prodavca.

Ugovorne strane su saglasne da se kvalitativni i kvantitativni prijem robe izvrši zapisnički putem Komisije koju sačinjavaju ovlašteni predstavnici svake ugovorne strane.

Član 5.

Zapisnik iz člana 4. ovog ugovora je osnov za plaćanje ugovorne cijene.

Član 6.

Način i uslovi plaćanja su: 30 dana od ispostavljanja fakture, na transakcijski račun Prodavca broj: 1610450000510063 kod Raiffeisen banke d.d.

Član 7.

Prodavac ima pravo na produženje ugovornog roka u slučaju više sile.

Rok za isporuku predmetne robe produžit će se za onoliko dana koliko je trajala smetnja.

Prodavac je dužan podnijeti zahtjev za produženje roka Kupcu u roku od **3 dana** po nastanku razloga za produženje roka.

Produženje roka utvrđuje Kupac u pisanoj formi i to u roku od **5 dana** po pisanom zahtjevu Prodavca.

Član 8.

U slučaju kašnjenja u isporuci roba, do kojeg je došlo krivicom Prodavca, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Kupca.

Član 9.

Robe koje su predmet ovog Ugovora, moraju biti u skladu sa kvalitetom naznačenim u usvojenoj ponudi.

Ukoliko se utvrdi da roba koju je Prodavac isporučio ima greške ili nije ugovorenog kvaliteta, Prodavac je dužan robu koja je predmet reklamacije zamijeniti sa novom.

Prodavac se obavezuje da će u roku od 2 dana zamijeniti isporučenu robu novom o svome trošku i to u sljedećim slučajevima :

- a) Štampač/printer javlja grešku prilikom paljenja, ne prepoznaje toner/ketridž
- b) Status štampača/printer ne pokazuje korektnu količinu preostalog materijala za ispis
- c) Kvalitet otiska odstupa u odnosu na očekivani kvalitet ispisa (blijed)
- d) Količina ispisanih strana odstupa u odnosu na očekivanu količinu ispisa.

Prodavac daje garanciju na kvalitet i funkcionalnost na svu isporučenu robu u trajanju od 12 mjeseci od dana isporuke robe. Garancija za isporučenu robu obuhvata sve kvarove nastale usljed grešaka u projektovanju, proizvodnji i materijalu ili instalisanju.

Član 10.

Prodavac se obavezuje da neće sklapati podugovor ni o jednom bitnom dijelu ugovora bez prethodnog pismenog odobrenja Kupca.

Član 11.

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno.

Ukoliko sporazumno rješenje nije moguće, nadležan je sud u Sarajevu.

Član 12.

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 13.

Sve eventualne izmjene i dopune ovog ugovora, ugovorne strane će dogovarati međusobno uz obaveznu pismenu saglasnost ugovornih strana.

Član 14.

Kupac može pisanim obavještenjem poslatom Prodavcu, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Prodavac propusti da isporuči predmetnu opremu u vremenskom periodu određenom u ugovoru;
- ukoliko Prodavac propusti da izvrši sve druge obaveze prema ugovoru koje bitno mogu djelovati na Kupčev rad;
- ukoliko Prodavac bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obavezu koju Prodavac ima prema Kupcu.

Prodavac, može takođe pismenim putem raskinuti ovaj ugovor, u slučaju da Kupac ne ispuni obavezu plaćanja, kako je definisano u članu 6. ovog ugovora.

Član 15.

Ovaj ugovor stupa na snagu kada ga potpišu obje ugovorne strane, a zaključuje se na period od 12 (dvanaest) mjeseci od dana potpisivanja istog. Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

Sastavni dio ugovora su:

- Tenderska dokumentacija br. KZ 18/17
- Usvojena ponuda br 0251 od 26.04.2017. godine.

Za Prodavca:

Za Kupca:

v.d. Izvršni direktor
za ekonomske i pravne poslove

Šaćira Mrndić, dipl.oec.

Direktor

Bogdo Suvajac



Direktor

Nezir Hadžić, Magistar uprave



Broj: 043/17.....

Datum: 31.05.2017.....

Broj: 186/17.....

Datum: 31.05.2017.....